



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Eidem.

**urn:nbn:de:hbz:466:1-20006**

antiquum, maximè pro petitione imperialis coronæ, magni Principes ad sedem apostolicam destinari, quia tamen hoc fuit magis in modum consultationis quam petitionis propositum, & quod nondum est factum adhuc poterit fieri, nos, qui, ut tuo deferre possimus honori, hoc æquanimiter ferimus ex gratia speciali, auditis & intellectis petitionibus quas iudeum nuntijs tuo nobis nomine porrexerunt, super eam aliquibus literas fierimox præcepimus sicut novimus expedire, ac per Legatos nostros, quos ad tuam regalem præsentiam è vestigio destinamus, gratum responsum tibi cum Deo tam super negotio matrimonij quam etiam super alius impendemus, cùm eos & ob hoc inter cetera specialiter providerimus destinandos ut ad negotijs tui robur ipsi, qui vice nostra fungentur, circa singula qua contingent auxilium tibi conferant opportunum, & ex eorum adventu honorificentia tibi major accrescat. Adeo namque tuum zelam honorem ut honori nostro reputemus accrescere quicquid per nos tuo regali ac crescit honori, firmam gerentes de tua serenitate fiduciam quod idipsum de nobis zelanter affectes. Datum Laterani Non. Ianuarij, pontificatus nostri anno undecimo.

## E I D E M.

Epist. 178.

**C**um olim ex officijs nostri debito de pace in imperio reformanda sollicitudo nos indecessa pulsaret, de cuius scissura ipsi non tantum imperio, verum etiam orbi penè toti grave periculum imminebat, consilium nobis incidit ut per Legatos nostros de matrimonio contrahendo inter te ac inclit recordationis Philippi Ducis Suevæ primogenitum tractaretur. Postmodum autem eodem Duce à filio Belial nequiter interfecito, cùm adhuc de scissurâ periculo non minus quam antea timeretur, tibi nostras litteras destinavimus ut ad confirmationem hujusmodi matrimonij securè procederes, si tibi cognosceres expedire. Interim autem cùm jam Domino imperante ventis & mari tranquillitas redire cœpisset, & redeuntibus ad cor mult's ac tibi fidelerit adhærentibus, de pace spes firmiter haberetur, per tuas à nobis litteras postulasti ut cùm inter te & memoratae pueram linea consanguinitatis existeret, super vestro dispensare conjugio dignaremur. Cui nos meminimus respondisse quod licet necessitas dispensandi jam ex magna parte cessasset, super hoc tamen vicem nostram nostris eramus commissari Legatis, quos pro causis Ecclesiæ ac imperii disponebamus ad tuam præsentiam in proximo delinicare. Quia igitur super dispensatione matrimonij prælibati, quod diceris jam juraesse, nobis iterum cum multa instantia supplicasti, forsitan prudenter intelligens per premissum consilium, in quo nulla de consanguinitatis linea mentio habebatur, non esse super consanguinitatis linea dispensatum, sed hoc tibi confutum ut ad matrimonij consummationem procederes legitimè quidem, dispensatione videlicet præobtenta, ut sic & quantum ad conscientiam & quantum etiam ad Ecclesiæ matrimonium ipsum legitimum haberetur, venerabili fratri nostro Hugolino Ostiensi Episcopo & dilecto

Vide supra  
epist. 153.

filio Leoni tituli sanctæ crucis Presbytero Cardinali apostolicæ sedis Legatis dedimus in praceptis quatenus inquisita & cognita veritate, si urgens necessitas & evidens utilitas pro pace in imperio reformanda hujusmodi matrimonium contrahi postularint, ipsi auctoritate nostra suffulti super illo contrahendo dispensent. Nos autem quod ab eis super hoc providè factum fuerit ratum habebimus, & decernimus illud inviolabiliter observandum. Datum Laterani x v. Kal. Februarij &c. ut in alia.

## E I D E M.

Epist. 179.

**B**enedictus Deus, qui per suam misericordiam ineffabilem nostrum circa te desiderium ex majori parte complevit, & sicut pro certo confidimus, non cessabit omnino donec adimpleat illud ex toto ad laudem & gloriam nominis sui, ad honorem & profectum tam Ecclesiæ quam imperij ac totius populi Christiani: quia, sicut veraciter intelleximus, cum secularis virtutis augmento, incrementum quoque spiritualis virtutis mirabiliter suscepisti; ut de te voce dominica gloriari possimus quod invenimus virum secundum cor nostrum. Ecce, fili carissime, sic anima nostra conglutinata est anima tua, sicut cor tuum compaginatum est cordi nostro, ut idem per omnia velle ac sentire credamus, quasi cor unum & anima una; ex quo quanta speretur utilitas proventura, nec calamus sufficit scribere, nec lingua referre, nec etiam animus cogitare. Nobis enim duabus regimen hujus seculi principaliter est commissum: qui si unanimis fuerimus & concordes in bono, profecto, sicut Propheta testatur, sol & luna in ordine suo stabunt, eruntque prava in directa & aspera sicut plana, cùm nobis duabus favente Domino nihil obsistere vel resistere possit, habentibus duos gladios, de quibus Apostoli dixerunt ad Dominum, *Ecce gladii duo hic*, & de quibus Dominus respondit Apostolis: *satis est*. quia nimur pontificalis auctoritas & regalis potestas, ambæ videlicet in nobis suprema, quæ per illos duos gladios designantur, plenæ sibi sufficiunt ad suum officium feliciter exequendum, si utraque pars per reliquam fuerit potenter adjuta. Evidem sic expedit & oportet ut utraque per reliquam efficaciter adjuvetur, quatenus status mundi, qui superabundante malitia quasi versus est in ruinam, per nostræ sollicitudinis studium restauretur, refecatis vitiis, & virtutibus propagatis. Vnde iugi nobis est vigilantia providendum ne inimicus homo possit inter nos supersemnare zizania, dissensionis scandalum vel suspicionis scrupulum ingerendo; quoniam ad hoc malum nequiter operandum multi proculdubio sunt parati, omnes videlicet qui mala vellent impune committere, quicque desiderant in aqua turbata pescari; à quibus autem tuam prorsus avertas. Pullulante namque discordia inter regnum & sacerdotium, utrumque pariter propter reliquum dissimulabat & sustinebat insolentiam malignorum; quibus concinnantibus dolum & acutibus linguas ad malum, dissensionis materia suscipiebat jugiter incrementum in grande rerum dispendium & grave periculum anima-

D D d d iij

rum, utriusque profectu, scilicet tam regni quam sacerdotij, multipliciter impedito. Cum ergo per Dei gratiam vera pax & firma concordia inter Ecclesiam & imperium nunc exsistat, ad tollendam in posterum omnem dissensionis & suspicionis materiam quædam ad præsens a te, fili carissime, duximus postulanda, quæ utique debes sine difficultate concedere, utpote ratione consona & saluti; pro certo sperantes quod longè majora in futuro concedes, cum nihil unquam a te obtinere velimus nisi quod te deceat imperitiri, tuum per omnia zelantes honorem & commodum procurantes. Ad ea igitur obtinenda & exequenda, quantum cum Deo possumus, tam illa quæ nuper per tuos iunctios postulati quam & alia quæ per te ipsum duxeris postulanda venerabilem fratrem nostrum Hugolinum Ostiensem Episcopum & dilectum filium Leonem tituli sanctæ crucis Presbyterum Cardinalem apostolicæ sedis Legatos, viros utique providos & honestos, quos inter ceteros fratres nostros speciali diligimus caritate, ad tuam præsentiam destinamus, serenitatem regiam rogantes attentiū & monentes quatenus eos sicut personam nostram devotè suscipias & benignè pertraetes, ipsorum salubribus monitis & consilii acquiescens, plenam de ipsis tamquam de nobis fiduciam obtinendo quoniam ad tuum commodum & honorem efficaciter aspirabunt. Ad hæc, regalem depositum excellentiam quatenus clericos & Ecclesiastas diligas & honores, manuteneas & defendas, ut devotus ac pius Princeps in omnibus comproberis. Datum Laterani xvii. Kal. Februarij, pontificatus nostri anno undecimo.

*ARCHIEPISCOPI ET EPISCOPI  
& dilectis filiis Abbatibus & aliis Ecclesiastarum  
Pralatis in Theutonia constitutis.*

Epist. 180.

**C**VM acceptam angelus dudum phialam iracundia Dei plenam in populos Theutonicos effusisset, effusa est contentio super Principes corundem; qui diuturnitate schismatis hostilitate contriti, quasi de torculari suæ contributionis expressum calicem iræ Dei profundum & latum non soldum ipsi bibere, verum etiam aliis propinarunt. Dominus autem, qui cogitat consilium, non afflictionis, sed pacis, reprobans consilia Principum, & cogitationes dissipans populorum, ab eis tandem discordia cauam abstulit, ipsosque ad viam concordia revocavit. Quapropter nos, qui ex officiis nostri debito ad hujusmodi scandalum removendum indefessa sollicitudine laboravimus, non possumus non gaudere quod fidelis Dominus sperantes in se tentari ultra quam possent sustinere non pertulit, & in ira misericordia memor factus, flagellum digne sue indignationis avertit, faciens ita multos ipsius disciplina proficere quod exercitatis per eam pacatum videtur frumentum justitiae reddidisse. Nam per Dei gratiam non paeniter nos constanter cursum cœpti currisse certaminis, jam feliciter Dominus labores nostri consummavit agonis, jam illa Gamalielis sententia nostrum probat à Domino processisse consilium, jam humana vis impedire non potuit cœlestis voluntatis effectum. Nam

altissimus id dispositus; & quis potuit interrumper? Omnipotens hoc decrevit; & quis valuit immutare? Æmulabar his hancen te ad invicem, Theutonia omnis, & in partes divisa, mutuis te animositatum tuarum similitatibus conterebas. Immiso namque desuper in te spiritu circumferebare vertiginis, & erroris fræno, quod juxta Prophetam erat in maxillis populorum, abducta per graves circuitus ducebaris. Filii quippe tui fœdera fraterna dissoluerant, & invidiæ sauciatae livoribus sese passim alter alterutrum trucidabant. Vocaverat enim Dominus exercitum in te tempus in quo juxta vaticinium sancti viri vir non parceret fratri suo, & quasi carnem brachij sui unoquoque vorante, Manassen Esfraim & Esfraim offendiderat Manassen. Hinc igitur non tu sola, quin immo penè totus offendebatur populus Christianus, lugentibus equidem viis Sion, ideo quod non essemus qui solemnitates dominicas visitarent. Ora Deum canentium ex magna parte conclusa torpebant, cultuque divino per usum bellicum minorato, hostilibus impendebatur excubis quod spiritualibus vigiliis debebatur. Denique terra sancta debita sibi & lugebat & luger suffragia defuisse; quæ pro peccatis nostris in extremam necessitatem perducta, operas & impensas quibus ipsa juvari potuerat in domesticæ cladis excidium frustra pertransisse deplorat. Ut de malis ceteris taceamus, quæ præter multiplicem desolationem regni dudum in se ipso divisi universam quoque Dei Ecclesiam offendebant. Nos autem pericula tot & tanta videntes, nimiaque scandalantium caritate perulti, duro compassionis eorum frixorio frigebamus; ac scientes operas justitiae pacem esse, justitia non defuimus, donec Dominus de cœlo prospexit & multo à nobis studio procuratæ initia pacis dedit, potens adhuc in tantum eam sua gratia dilatare ut juxta prophetantis eloquium populus suus in pulchritudine pacis sedeat & plebs ejus in justitiae tabernaculis ac requie opulenta quietcat. Quia igitur plagam quæ de novo circumligata est negligi non operiet, eo quod custodita potest ad perfectam sanitatem proficere, neglecta vero in deteriore corruptelam redire, venerabilem fratrem nostrum Hugolinum Ostiensem Episcopum & dilectum filium Leonem tituli sanctæ crucis Presbyterum Cardinalem apostolicæ sedis Legatos, viros utique providos & honestos, quos inter ceteros fratres nostros speciali caritate diligimus, ad partes ipsas duximus destinandos, qui more prudentium medicorum, prout quævis morbi cura poposcerit, vinum scianæ & oleum superfundere, ac pace jam ex parte in imperio reformata, satagant unumquemque perfectius informare; commissa sibi pariter potest dissipandi & evellendi, ædificandi nihilominus & plantandi quæ utrorumlibet hotum opera noverint indigere. Quocirca universitatem vestram rogamus attentiū & monemus, per apostolica vobis scripta præcipiendo mandantes quatenus eos, immo nos in ipsis, cum debito suscipientes honore, providis monitis & mandatis ipsorum efficaciter intendatis. Alioquin sententiam quam tulerint in rebelles ratam habebimus, & usque ad satisfactionem